

**- UPRAVNI ODBOR -**

Broj: 02-8-1/22

Sarajevo, 21. 03. 2022. godine

ZAPISNIK**SA 2. REDOVNE SJEDNICE UPRAVNOG ODBORA UNIVERZITETA
U SARAJEVU ODRŽANEU PONEĐJELJAK 21. 03. 2022. GODINE
U 14:00 SATI**

Prisutni članovi Upravnog odbora (pozvani putem e-maila): predsjednik dr. sc. Murat Ramadanović, Mersiha Šabaredžović-Klačar, Alma Sarić, prof. ddr. Lidija Zvačko, prof. dr. Jasminka Gradašević-Sijerčić, akad. prof. dr. Dejan Milošević, prof. dr. Kasim Bajrović i prof. dr. Maida Čohodar Husić.

Odsutni članovi Upravnog odbora: Ismeta Čardaković, prof. dr. Aida Hodžić i Hamza Vahid El-Din, predstavnik studenata.

Ostali prisutni (obaviješteni putem e-maila): prof. dr. Rifat Škrijelj, rektor Univerziteta u Sarajevu, prof. dr. Tarik Zaimović, prorektor za finansije, prof. dr. Tamara Karača Beljak, prorektorica za umjetnost, umjetničkoistraživački rad, kulturu i sport, prof. dr. Dušanka Bošković, prorektorica za kvalitet, Kenan Filipović generalni sekretar, Ekrem Čagalj, rukovodilac Jedinice za internu reviziju, prof. dr. Sahrudin Sarajčić, izvršni direktor, Berina Smajlović, rukovodilac Službe za prave poslove, Belma Hajradinović, viši stručni saradnik Službe za pravne poslove i Semir Đulić, viši stručni saradnik Službe za pravne poslove.

Ostali odsutni: prof. dr. Dženana Husremović, prorektorica za nastavu i studentska pitanja, prof. dr. Mirza Dautbašić, prorektor za naučnoistraživački rad, prof. dr. Enita Nakaš, prorektorica za međunarodnu saradnju.

Sjednica je počela u 14:00 sati.

U uvodnom dijelu sjednice dr. sc. Murat Ramadanović, predsjednik Upravnog odbora Univerziteta u Sarajevu je konstatirao je da postoji potreban kvorum za odlučivanje, te da sjednici prisustvuje 8 (osam) članova Upravnog odbora Univerziteta u Sarajevu, nakon čega je otvorio 2. redovnu sjednicu Upravnog odbora Univerziteta u Sarajevu (dalje: Upravni odbor).

Nakon prihvatanja od strane Upravnog odbora prijedloga (prijedlozi delegirani od strane prof. dr. Tarika Zaimovića, prorektora za finansije) da se proširi dnevni red (radi hitnosti) u dijelu izmjene i dopune Plana javnih nabavki - Institut za genetičko inženjerstvo i biotehnologiju, te Aneksom broj 1 Sporazuma o finansiranju između Razvojnog programa Ujedinjenih nacija (UNDP) u BiH i Univerziteta u Sarajevu, radi davanja saglasnosti Upravnog odbora za zaključenje istog pod tačkom 4.1., kao i pod tačkom 6.1. Zahtjevom Kantonalnog inspektora rada – Inspektorata rada, zaštite na radu i socijalne zaštite za autentično tumačenje odredbe Pravilnika o unutrašnjoj organizaciji i sistematizaciji radnih mjesta Univerziteta u Sarajevu –

Veterinarskog fakulteta, Upravni odbor je sa 8 (osam) glasova „za“, usvojio dnevni red, kako slijedi:

DNEVNI RED

1. Usvajanje zapisnika sa prethodnih sjednica Upravnog odbora Univerziteta u Sarajevu, kako slijedi:
 - a) Zapisnik sa konstituirajuće sjednice Upravnog odbora Univerziteta u Sarajevu od 07. 02. 2022. godine
 - b) Zapisnik sa 1. redovne sjednice Upravnog odbora Univerziteta u Sarajevu od 07. 02. 2022. godine
 - c) Zapisnik sa 1. elektronske sjednice Upravnog odbora Univerziteta u Sarajevu od 14. 02. 2022. godine
 - d) Zapisnik sa 2. elektronske sjednice Upravnog odbora Univerziteta u Sarajevu od 17. 02. 2022. godine
 - e) Zapisnik sa 3. elektronske sjednice Upravnog odbora Univerziteta u Sarajevu od 02. 03. 2022. godine
 - f) Zapisnik sa 4. elektronske sjednice Upravnog odbora Univerziteta u Sarajevu od 15. 03. 2022. godine
2. Prijedlog izmjene i dopune Plana javnih nabavki Univerziteta u Sarajevu za 2022. godinu u dijelu
 - a) Univerzitet u Sarajevu (Rektorat)
 - b) Prirodno-matematički fakultet
 - c) Institut za genetičko inženjerstvo i biotehnologiju
 - d) Akademija scenskih umjetnosti
3. Provođenje interne revizije na organizacionoj jedinici Univerziteta u Sarajevu – Ekonomskom fakultetu
4. Davanje saglasnosti dekanu Univerziteta u Sarajevu – Fakulteta političkih nauka za zaključivanje Sporazuma za realizaciju projekta pod nazivom „Izgradnja povjerenja u medije u jugoistočnoj Evropi i Turskoj – faza 2“ između Organizacije Ujedinjenih nacija za obrazovanje, nauku i kulturu – UNESCO i Univerziteta u Sarajevu – Fakulteta političkih nauka
 - 4.1. Davanje saglasnost rektoru Univerziteta u Sarajevu na zaključivanje Aneksa broj 1 Sporazuma o finansiranju između Razvojnog programa Ujedinjenih nacija (UNDP) u BiH i Univerziteta u Sarajevu.
5. Zakup poslovnih prostora na organizacionim jedincima Univerzitetu u Sarajevu:
 - a) Davanje saglasnosti na zaključenje Ugovora o zakupu poslovnog prostora u okviru Univerziteta u Sarajevu – Šumarskog fakulteta
 - b) Davanje saglasnosti na zaključenje Ugovora o zakupu poslovnog prostora u okviru Univerziteta u Sarajevu – Veterinarskog fakulteta
6. Prigovori kandidata u Javnom oglasu na Univerzitetu u Sarajevu – Veterinarskom fakultetu na Odluku dekana o prijemu u radni odnos na radno mjesto bibliotekar, na neodređeno vrijeme, kako slijedi:

- a) Prigovor podnositeljice Arine Vražalica
- b) Prigovor podnositeljice Dalile Kešan
- 6.1. Zahtjev Kantonalnog inspektora rada – Inspektorata rada, zaštite na radu i socijalne zaštite za autentično tumačenje odredbe Pravilnika o unutrašnjoj organizaciji i sistematizaciji radnih mjesta Univerziteta u Sarajevu – Veterinarskog fakulteta
- 7. Zahtjev podnositeljice Valide Abdagić za isplatu neisplaćenih mjesečnih naknada za studenta prodekana Univerziteta u Sarajevu – Farmaceutskog fakulteta
- 8. Izvještaj Centra za interdisciplinarnu studiju „prof. dr. Zdravko Grebo“ Univerziteta u Sarajevu o realizaciji Evropskog regionalnog magistarskog programa iz ljudskih prava i demokratije u jugoistočnoj Evropi sa planom trošenja sredstava
- 9. Informacije
 - a) Obavijest o Dinamičkom planu organizacione jedinice Univerziteta u Sarajevu – Instituta za istraživanje zločina protiv čovječnosti i međunarodnog prava za akademsku 2021/2022. godinu
 - b) Obavijest o izmjenama i dopunama dinamičkih planova organizacionih jedinica Univerziteta u Sarajevu za akademsku 2021/2022. godinu
 - Elektrotehnički fakultet
 - Fakultet islamskih nauka
 - Fakultet zdravstvenih studija
 - Pravni fakultet
 - c) Informacija Univerziteta u Sarajevu – Medicinskog fakulteta o realizaciji Odluke Upravnog odbora Univerziteta u Sarajevu od 15. 12. 2022. godine o uspostavi radno-pravnog odnosa sa Benjaminom Vojnikovićem
 - d) Ugovor o radu sa v.d. dekanom Univerziteta u Sarajevu – Filozofskog fakulteta

TOK SJEDNICE

Ad-1.

U okviru *tačke 1.* razmatrani su prijedlozi zapisnika i to:

- a) Zapisnik sa konstituirajuće sjednice Upravnog odbora Univerziteta u Sarajevu od 07. 02. 2022. godine
- b) Zapisnik sa 1. redovne sjednice Upravnog odbora Univerziteta u Sarajevu od 07. 02. 2022. godine
- c) Zapisnik sa 1. elektronske sjednice Upravnog odbora Univerziteta u Sarajevu od 14. 02. 2022. godine
- d) Zapisnik sa 2. elektronske sjednice Upravnog odbora Univerziteta u Sarajevu od 17. 02. 2022. godine
- e) Zapisnik sa 3. elektronske sjednice Upravnog odbora Univerziteta u Sarajevu od 02. 03. 2022. godine
- f) Zapisnik sa 4. elektronske sjednice Upravnog odbora Univerziteta u Sarajevu od 15. 03. 2022. godine

S tim u vezi otvorena je kraća diskusija u kojoj su učešće uzeli: predsjednik dr. sc. Murat Ramadanović i prof. dr. Jasminka Gradašćević-Sijerčić.

Na početku diskusije prof. dr. Jasminka Gradašćević-Sijerčić je konstatovala da će pod pretpostavkom da su prisutni upoznati sa sadržajem mail-a članice Upravnog odbora, g-đe Ismete Čardaković, dati određene opservacije na navode imenovane. Nadalje, prof. dr. Jasminka Gradašćević-Sijerčić navodi da je prva njena primjedba je da se ne može usvojiti

Zapisnik sa Konstituirajuće sjednice od 07. 02. 2022. godine – prvi komentar prenesen u cijelosti glasi:

Ovaj zapisnik se ne može verifikovati iz razloga što Poslovnik o radu Upravnog odbora Univerziteta dostavljen uz Odluku i Zapisnik nije identičan Prijedlogu Poslovnika koji je bio razmatran na konstituirajućoj sjednici Upravnog odbora. Primjedba se ne odnosi na izmjene i dopune Prijedloga koje su usvojene na konstituirajućoj sjednici, nego na činjenicu da dostavljeni tekst uz zapisnik sa sjednice sadrži član 15 koji govori o telefonskoj sjednici, a telefonska sjednica nije spomenuta u prijedlogu Poslovnika.

S tim u vezi u daljem toku diskusije prof. dr. Jasminka Gradašćević-Sijerčić je istakla da je utvrđeni Prijedlog Poslovnika dopunjen i izmijenjen sugestijama i primjedbama koje su članovi Upravnog odbora istakli na samoj sjednici.¹ Nakon napomena upućenih od strane prof. dr. Jasminke Gradašćević-Sijerčić, Upravni odbor je sa 8 (osam) glasova „za“, usvojio Zapisnik sa konstituirajuće sjednice.

Uz napomenu predsjednika dr. sci. Murata Ramadanovića, predsjednika Upravnog odbora da na

Zapisnik sa 1. redovne sjednice Upravnog odbora Univerziteta u Sarajevu od 07. 02. 2022. godine, g-đa Ismeta Čardaković nije imala primjedbe i da prisutni nemaju primjedbe, Prijedlog Zapisnika je dat na glasanje i sa 8 (osam) glasova „za“ isti je usvojen.

Prof. dr. Jasminka Gradašćević-Sijerčić u daljem toku diskusije navodi da se druga primjedba odnosila na Zapisnik sa 1. elektronske sjednice Upravnog odbora Univerziteta u Sarajevu od 14. 02. 2022. godine (kao i na ostale zapisnike sa elektronskih sjednica) – drugi komentar g-đe Ismete Čardaković, članice Upravnog odbora prenesen u cijelosti glasi:

Dokument koji je dostavljen se ne može smatrati Zapisnikom sa sjednice Upravnog odbora ali jeste dokument koji može potvrditi da su se članice i članovi Upravnog odbora izjasnili o dostavljenim materijalima. Nije tačno da je „Elektronska sjednica je započela u 12:30 sati“. Niti da je „Sjednicom je predsjedavao dr. sc. Murat Ramadanović, predsjednik Upravnog odbora.“

Sjednica nije započela u 12:30 niti je završena u 16 sati. Tok sjednice, koji se također pominje nije postojao. Po definiciji, Zapisnik sa sjednice je dokument koji svjedoči o stvarnim činjenicama, istinito i korektno a ovaj tekst ni na koji način ne odgovara činjeničnom stanju održavanja elektronske sjednice. U suštini, elektronska sjednica, praktcirana na ovaj način jeste dostavljanje materijala Upravnog odbora - u na izjašnjavanje (usvajanje) bez mogućnosti članica i članova Upravnog odbora da dostavljene materijale dopune ili izmijene bez obzira na (ponekad) nužnost takvih intervencija.

Isti komentar se odnosi na sve Zapisnike sa elektronskih sjednica. Predlažem da se isti koriguju i da se sačine na način koji će istinski opisati način „održavanja elektronskih sjednica“ tj izjašnjavanje Upravnog odbora.

U odnosu na dati komentar, prof. dr. Jasminka Gradašćević-Sijerčić je istakla sljedeće prema odredbama Poslovnika o radu Upravnog odbora Univerziteta u Sarajevu utvrđena je mogućnost da se sjednice tijela održavaju i u elektronskoj formi, iako stoji da se sjednice u pravilu

¹ Napominjemo da se svi akti pri pripremi sjednice izrađuju u formi prijedloga i da se nakon razmatranja od strane Upravnog odbora unose izmjene i dopune koje su tokom razmatranja na prijedlog akta dali članovi, i takav akt predstavlja konačni akti (usvojen).

održavaju u prostorijama Rektorata, ali izuzetno mogu biti i elektronske. Nadalje prof. dr. Jasminka Gradašćević-Sijerčić u odnosu na formu zapisnika ističe da se pri izradi zapisnika sa elektronskih sjednica zadržala forma kao da se sjednica održava u prostorijama. S tim u vezi članica Upravnog odbora ističe da elektronska sjednica ima specifičnost u pogledu perioda izjašnjavanja, kao i očitovanja koja čine sastavni dio zapisnika, te napominje da se veliki broj sjednica održao elektronski, te da su se o materijalima koji su bili predmet razmatranja na tim sjednicama članovi izjašnjavali u formi mail navoda. U završnom dijelu diskusije prof. dr. Jasminka Gradašćević-Sijerčić napominje da se u budućem period voditi računa o formi, da se pravilno numerišu sjednice i da se forma prilagodi vrsti sjednice.

Nakon kraće diskusije, Zapisnik sa 1. elektronske sjednice Upravnog odbora Univerziteta u Sarajevu od 14. 02. 2022. godine usvojen je sa 8 (osam) glasova „za“.

Zatim je sa 8 (osam) glasova „za“, usvojen i Zapisnik sa 2. elektronske sjednice Upravnog odbora Univerziteta u Sarajevu od 17. 02. 2022. godine.

U odnosu na Prijedlog Zapisnik sa 3. elektronske sjednice Upravnog odbora Univerziteta u Sarajevu od 02. 03. 2022. godine, prof. dr. Jasminka Gradašćević-Sijerčić u daljem toku diskusije navodi da se treća primjedba odnosila na Zapisnik sa 3. elektronske sjednice Upravnog odbora Univerziteta u Sarajevu od 17. 02. 2022. godine – drugi komentar g-đe Ismete Čardaković, članice Upravnog odbora prenesen u cijelosti glasi:

Na trećoj elektronskoj sjednici Upravnog odbora ja sam predložila da se Odluka o verificiranju Finansijskog plana/Budžeta Univerziteta u Sarajevu za 2022. godinu dopuni iznosom usvojenog budžeta i da nam stručna služba dostavi značenja kodova koji se odnose na određene procedure nabavke iz Plana nabavki koji nam je dostavljen na usvajanje. Prijedlog je podržao i Akademik Milošević. O našem prijedlogu se nije raspravljalo. Ne znam zašto, s obzirom da je ova odluka morala imati informaciju o iznosu usvojenog budžeta i da se mora znati šta predstavljaju brojevi koji označavaju vrstu procedura nabavke.

Na istoj sjednici je donesena Odluka o usvajanju Plana javnih nabavki integrisanog Univerziteta u Sarajevu za 2022. godinu u kojoj je decidno navedena vrijednost nabavki u iznosu od 17.878.786,55 KM bez PDV-a. To je apsolutno ispravno. Ne vidim zašto se isti princip nije primijenio na Odluku o usvajanju budžeta.

Moram dati još jedan komentar koji se odnosi na segment plana nabavki Univerziteta za 2022 godinu. Senat Univerziteta je donio Odluku 23. 02. 2022. godine, kojom se utvrđuje plan nabavki Univerziteta za ovu godinu. Odluka Senata je ispravna, jer taj dokument utvrđuje plan svih nabavki, čija se pojedinačna vrijednost kreće od 40 – 300.000 KM i više. Ne radi se dakle samo o robama i uslugama koje podliježu odredbama Zakona o javnim nabavkama nego o svim nabavkama čija se kupovina pravda fakturom a nekada i fiskalnim računom iz maloprodaje. Nije mi jasno zašto stručna služba Univerziteta neprestano govori o „planu javnih nabavki“ tim prije što ta terminologija nije u skladu sa Odlukom Senata Univerziteta.

S tim u vezi otvorena je kraća diskusija: predsjednik dr. sc. Murat Ramadanović, prof. dr. Jasminka Gradašćević-Sijerčić i prof. dr. Tarik Zaimović, prorektor za finansije.

Prof. dr. Tarik Zaimović, prorektor za finansije je u odnosu na navode g-đe Ismete Čardaković, članice Upravnog odbora konstatirao sljedeće da u odnosu na terminologiju *plan javnih nabavki* i *plan nabavki* nema razlike u obavezi provođenja nabavke, te da suštinski nema razlike.

Nakon kraće diskusije podržan je prijedlog g-đe Ismete Čardaković da se Odluka o verificiranju Finansijskog plana/Budžeta Univerziteta u Sarajevu za 2022. godinu dopuni iznosom usvojenog budžeta, pa je Zapisnik sa 3. elektronske sjednice Upravnog odbora Univerziteta u Sarajevu od 02. 03. 2022. godine usvoje na 8 (osam) glasova „za.“

Nadalje u okviru diskusije u vezi sa Zapisnikom sa 4. elektronske sjednice Upravnog odbora Univerziteta u Sarajevu od 15. 03. 2022. godine, a vezano za četvrtu primjedbu g-đe Ismete Čardaković, članice Upravnog odbora koja u cijelosti glasi:

U Odlukama kojima se odobravaju službena putovanja u inostranstvo za Rektora su navedeni načini obračuna putnih troškova. Ti podaci su apsolutno nepotrebni u ovim odlukama jer postoje interna akta kojima se regulišu putni troškovi za službena putovanja svih uposlenika Univerziteta.

Nakon kraće diskusije podržan je prijedlog g-đe Ismete Čardaković, te je Upravni odbor sa 8 (osam) glasova „za“, usvojio i Zapisnik sa 4. elektronske sjednice Upravnog odbora Univerziteta u Sarajevu.

Ad-2.

U okviru tačke 2. razmatrani su prijedlozi izmjene i dopune Plana javnih nabavki Univerziteta u Sarajevu za 2022. godinu u dijelu:

- a) Univerzitet u Sarajevu (Rektorat)
- b) Prirodno-matematički fakultet
- c) Institut za genetičko inženjerstvo i biotehnologiju
- d) Akademija scenskih umjetnosti

U odnosu na dostavljene prijedloge izmjena i dopuna Plana javnih nabavki Univerziteta u Sarajevu za 2022. godinu, otvorena je kraća diskusija u kojoj su učešće uzeli: predsjednik dr. sc. Murat Ramadanović, prof. dr. Kasim Bajrović i prof. dr. Tarik Zaimović, prorektor za finansije Univerziteta.

Na dostavljeni prijedlog izmjena i dopuna Plana javnih nabavki Univerziteta u Sarajevu za 2022. godinu u dijelu Univerzitet u Sarajevu – Prirodno-matematički fakultet nije bilo diskusije.

U odnosu na prijedloge izmjena i dopuna Plana javnih nabavki Univerziteta u Sarajevu za 2022. godinu u dijelu Univerzitet u Sarajevu - Institut za genetičko inženjerstvo i biotehnologiju (tačnije Rektorat zbog finansiranja patenta na INGEB-u), otvorena je kraća diskusija.

U okviru diskusije prof. dr. Tarik Zaimović je istakao da je Univerzitet u Sarajevu - Institut za genetičko inženjerstvo i biotehnologiju postao vlasnik jednog patenta. S obzirom da je pravilnik kojim će biti regulirano pitanje intelektualnog vlasništva još uvijek u izradi, a istim će biti uređeno i pitanje finansiranja (utvrđivanje fonda za finansiranje) u domenu intelektualnog vlasništva, ostaje neriješeno pitanje finansiranja pomenutog patenta. Univerzitet u Sarajevu - Institut za genetičko inženjerstvo i biotehnologiju je dostavio zahtjev prema Rektoratu Univerziteta u Sarajevu, radi predfinansiranja (vida pozajmice sredstava), koja će se dodijeliti iz vlastitih prihoda Rektorata Univerziteta u Sarajevu, do donošenja predmetnog Pravilnika kojim će se urediti pitanje finansiranja intelektualnog vlasništva Univerziteta. Predmetni zahtjev se odnosi na iznos od 8 (osam) hiljada konvertibilnih maraka.

U daljem toku diskusije za riječ se javio prof. dr. Kasim Bajrović, te je u svom izlaganju upoznao prisutne na šta se odnosi patent, a to je: detekcija kancera prostate iz urina, te da je u

proceduri priznanja patenta utvrđen rok za plaćanje takse i troškova, u trajanju od 15 (petnaest) dana, zbog čega je Univerzitet u Sarajevu - Institut za genetičko inženjerstvo i biotehnologiju uputio predmetni zahtjev radi blagovremenog plaćanja istih.

S tim u vezi, Upravni odbor je sa 8 (osam) glasova „za“, donio sljedeću

O D L U K U

o izmjeni i dopuni Plana javnih nabavki integrisanog Univerziteta u Sarajevu za 2022. godinu, broj: 02-7-3/22 od 02. 03. 2022. godine

I

Usvaja se izmjena i dopuna Plana nabavki integrisanog Univerziteta u Sarajevu za 2022. godinu utvrđenog Odlukom Upravnog odbora Univerziteta u Sarajevu broj: 02-7-3/22 od 02. 03. 2022. godine.

II

Ova odluka stupa na snagu danom donošenja, a biti će objavljena u na internetskoj stranici Univerziteta u Sarajevu, odmah po donošenju.

Upravni odbor je sa 8 (osam) glasova „za“, donio sljedeći

Z A K L J U Č A K

1. Imajući u vidu značaj *2K patenta München, Frankfurt, London* Instituta za genetičko inženjerstvo i biotehnologiju za podizanje ugleda Univerziteta u Sarajevu i predloženi iznos za plaćanje istog u visini od 7828,00 EUR, Upravni odbor Univerziteta u Sarajevu daje saglasnost za provođenje postupka predmetne nabavke, koja je izuzeta od primjene Zakona o javnim nabavkama Bosne i Hercegovine, putem Univerziteta u Sarajevu u dijelu Rektorata.
2. Oslonom na saglasnost iz tačke 1. ovog zaključka, pri tome cijeneći ovlaštenja za izmjenu i dopunu Plana javnih nabavki za 2022. godinu utvrđena tačkom VI stav (4) Odluke Upravnog odbora Univerziteta u Sarajevu broj: 02-7-3/22 od 02. 03. 2022. godine odnosno kako se radi o iznosu novčanih sredstava koji ne prelazi iznos utvrđen Statutom Univerziteta u Sarajevu za čije je korištenje ovlašten rektor, neophodno je da isti u konkretnom slučaju donese posebnu odluku o izmjeni i dopuni Plana javnih nabavki Univerziteta u Sarajevu.
3. Postupak nabavke iz tačke 1. ovog zaključka provodi se iz sredstava Univerziteta u Sarajevu.

Ad-3.

U okviru tačke 3. Upravni odbor je razmatrao i odlučio o Zahtjevu rektora Univerziteta za provođenje interne revizije na organizacionoj jedinici Univerziteta u Sarajevu – Ekonomskom fakultetu.

U okviru date tačke dr. sci. Murat Ramadanović, predsjednik Upravnog odbora je otvorio kraću diskusiju u kojoj su učešće uzeli: Alma Sarić, članica Upravnog odbora, prof. dr. Jasminka Gradašćević-Sijerčić, članica Upravnog odbora i prof. dr. Rifat Škrijelj, rektor Univerziteta.²

² Nakon otvaranja tačke 3. i u toku razmatranja dostavljenog Zahtjevu rektora Univerziteta za provođenje interne revizije na organizacionoj jedinici Univerziteta u Sarajevu – Ekonomskom fakultetu, resorni prorektor prof. dr. Tarik Zaimović, prorektor za finansije Univerziteta je napustio sjednicu Upravnog odbora.

U uvodnom dijelu diskusije prof. dr. Rifat Škrijelj, rektor Univerziteta je istakao da su od strane rukovodstva Univerziteta detektovana postupanja koja nisu u skladu sa zakonom, odnosno postupanja koja se mogu ocijeniti kao različita postupanja u odnosu na ostale organizacione jedinice u pogledu obračuna i isplaćivanja plaća zaposlenicima organizacionih jedinica, te nastavio da je u odnosu na razlike cilj da se provjeri i utvrdi da li se postupa u skladu sa propisima.

Nadalje, prof. dr. Rifat Škrijelj, rektor Univerziteta ističe da je cijeneći da je Univerzitet integrisan neophodno da Jedinica za internu reviziju Univerziteta ima uvid na koji način se vrši isplata plaća zaposlenicima organizacionih jedinica Univerziteta, kao i rektor u svojstvu ovlaštenog lica, sa neograničenim ovlaštenjima, koji je ujedno obavezan provjeriti zakonitost u postupanju organizacionih jedinica i njihovih tijela, a naročito ukoliko postoji sumnja da se ne postupa u skladu sa propisima.

Alma Sarić, članica Upravnog odbora je istakla da nije jasno kako su vršene isplate, a da se nije znalo na koji način.

Nadalje je prof. dr. Rifat Škrijelj, rektor Univerziteta istakao da se isplata vrši kroz sistem na način da Pomoćni operativni centar za visoko obrazovanje naloge prosljedi Ministarstvu finansija Kantona Sarajevo, bez obaveze da se vrši nadzor ispravnosti naloga (osnovanost). Da u trenutku postavljanja upita nema detaljne podatke o nalogima koju su isplaćivani odnosno upućeni putem Pomoćnog operativnog centra prema Ministarstvu finansija Kantona Sarajevo na izvršenje, odnosno isplatu, te da je potrebno izvršiti provjere slijedom dosadašnjeg iskustva uvažavajući da se i u prethodnom periodu inicirala provjera kada je postojala sumnja u ispravnost u pogledu načina obračuna i isplaćivanja plaća rukovodećim licima organizacionih jedinica koju je vršila Jedinica za internu reviziju. Još je prof. dr. Rifat Škrijelj, rektor Univerziteta naveo i to da mu detalji nisu poznati odnosno da ne smatra da treba izlaziti s detaljnim informacijama u pogledu iznosa koji su isplaćivani, te visine naloga i osnovanosti tih isplata dok Jedinica za internu reviziju, odnosno interni revizor kao stručno lice ne izvrši provjeru tih osnova za isplate.

Nadalje, prof. dr. Jasminka Gradašćević-Sijerčić je istakla da Upravni odbor podržava inicijativu da se sve isplate kontrolišu u smislu isplate plaća i ostalih naknada rukovodiocima organizacionih jedinica – uz napomenu da je pretpostavka ukoliko se radi o dodatnim naknadama, da se radi o isplatama putem ugovora o djelu. Nadalje, prof. dr. Jasminka Gradašćević-Sijerčić ističe i to da je to prvi korak pa ćemo i prema ostalim organizacionim jedinicama ići sa provjerom isplata novčanih davanja rukovodnih lica.

Upravni odbor je sa 8 (osam) glasova „za“, donio sljedeći

ZAKLJUČAK

1. Upravni odbor Univerziteta u Sarajevu podržava Inicijativu rektora Univerziteta u Sarajevu da shodno Pravilniku o unutrašnjoj organizaciji i sistematizaciji radnih mjesta Univerziteta u Sarajevu – Ekonomskog fakulteta sva radna mjesta, kojima se rukovodi i upravlja djelatnošću visokog obrazovanju, se kontroliraju u pogledu načina isplate svih novčanih primanja imenovanom rukovodnom akademskom osoblju Univerziteta u Sarajevu u okviru ove organizacione jedinice.

2. Upravni odbor Univerziteta u Sarajevu konstatuje da kontrola načina isplate novčanih davanja rukovodnom akademskom osoblju iz tačke 1. ovog zaključka predstavlja polazište odnosnu prvu fazu za sve organizacione jedinice Univerziteta u Sarajevu.
3. Upravni odbor Univerziteta u Sarajevu zadužuje Rukovodioca Jedinice interne revizije Univerziteta u Sarajevu da izvrši posebnu reviziju na organizacionoj jedinici Univerziteta u Sarajevu – Ekonomskom fakultetu i o tome izvijesti Upravni odbor Univerziteta u Sarajevu.
4. Predmet posebne revizije iz tačke 1. ovog zaključka je **kontrola** isplate svih novčanih primanja rukovodnog akademskog osoblja Univerziteta u Sarajevu – Ekonomskog fakulteta, kao i visine navedenih isplata, te **ocjena** internih kontrola provedenih u ovim procedurama, za period od januara 2021. do februara 2022. godine.
5. Nalaže se rukovodstvu Univerziteta u Sarajevu – Ekonomskog fakulteta, Univerzitetu u Sarajevu putem Službe za računovodstvo i finansije i Pomoćnog operativnog centra za visoko obrazovanje da u cilju vršenja posebne revizije iz tačke 1. ovog zaključka osiguraju potrebnu dokumentaciju i obezbijede nesmetan rad Rukovodiocu Jedinice interne revizije Univerziteta u Sarajevu.

Ad-4.

U okviru tačke 4. razmatran je Zahtjev kojim se traži davanje saglasnosti dekanu Univerziteta u Sarajevu – Fakulteta političkih nauka za zaključivanje Sporazuma za realizaciju projekta pod nazivom „Izgradnja povjerenja u medije u jugoistočnoj Evropi i Turskoj – faza 2“ između Organizacije Ujedinjenih nacija za obrazovanje, nauku i kulturu – UNESCO i Univerziteta u Sarajevu – Fakulteta političkih nauka.

Uz napomenu rukovodioca Službe za pravne poslove da se zahtjev upućuje Upravnom odboru na razmatranje radi visine sredstava kojim će se raspolagati okviru pomenutog Sporazuma.

- a) S tim u vezi, Upravni odbor je sa 8 (osam) glasova „za“, donio sljedeću

ODLUKU

I

Daje se **saglasnost** dekanu Univerzitetu u Sarajevu - Fakulteta političkih nauka, prof. dr. Seadu Turčalu na potpisivanje Sporazuma za realizaciju projekta pod nazivom „Izgradnja povjerenja u medije u jugoistočnoj Evropi i Turskoj –Faza 2“ između Organizacije Ujedinjenih nacija za obrazovanje, nauku i kulturu (United Nations Educational, Scientific and Cultural Organization) UNESCO i Univerziteta u Sarajevu – Fakulteta političkih nauka.

II

Trajanje projekta iz tačke I ove odluke veže se za period počevši od marta 2022. godine do 20. oktobra 2022. godine i dodijeljeni iznos za Univerzitet u Sarajevu – Fakultet političkih nauka od 90.037,20 EUR protuvrijednost u KM u iznosu od 176.097,46.

III

Ovlašćuje se dekan Univerziteta u Sarajevu - Fakulteta političkih nauka za realizaciju Sporazuma iz tačke I ove odluke.

IV

Obavezuje se dekan Univerziteta u Sarajevu - Fakulteta političkih da nakon realizacije projekta iz tačke I ove odluke Upravnom odboru Univerziteta u Sarajevu dostavi pisani izvještaj.

V

Ova odluka stupa na snagu danom donošenja.

- b) U uvodnom dijelu sjednice proširen je Dnevni red sa datom tačkom, gdje je u svojstvu izvjestioca prof. dr. Tarik Zaimović, prorektor za finansije upoznao članove Upravnog odbora da se izmijenio iznos (razlika 500 ili 600 hiljada) u Sporazuma o finansiranju između Razvojnog programa Ujedinjenih nacija (UNDP) u BiH i Univerziteta u Sarajevu u okviru realiziranja projekta Razvojnog programa Ujedinjenih nacija (UNDP) u BiH pod nazivom „Projekat unapređenja efikasnosti lokalnih usluga u Bosni i Hercegovini“, Aktivnost 3 pod nazivom „Nabavka opreme, laboratorijskog materijala i istraživačkih usluga za unapređenje naučnoistraživačkog rada na fakultetima, akademijama i institutima Univerzitetu u Sarajevu.“

Shodno prethodno rečeno traži se saglasnost za zaključivanje Aneksa broj 1 predmetnog Sporazuma. Nakon čega je Upravni odbor sa 8 (osam) glasova „za“, donio sljedeću

ODLUKU

I

Daje se *saglasnost* rektoru Univerziteta u Sarajevu na zaključivanje Aneksa broj 1 Sporazuma o finansiranju između Razvojnog programa Ujedinjenih nacija (UNDP) u BiH i Univerziteta u Sarajevu u okviru realiziranja projekta Razvojnog programa Ujedinjenih nacija (UNDP) u BiH pod nazivom „Projekat unapređenja efikasnosti lokalnih usluga u Bosni i Hercegovini“, Aktivnost 3 pod nazivom „Nabavka opreme, laboratorijskog materijala i istraživačkih usluga za unapređenje naučnoistraživačkog rada na fakultetima, akademijama i institutima Univerzitetu u Sarajevu“.

II

Ova odluka stupa na snagu danom donošenja.

Ad-5.

U okviru *tačke 5.* razmatrani su zahtjevi za zakup poslovnih prostora na organizacionim jedincima Univerzitetu u Sarajevu:

- a) Davanje saglasnosti na zaključenje Ugovora o zakupu poslovnog prostora u okviru Univerziteta u Sarajevu – Šumarskog fakulteta
b) Davanje saglasnosti na zaključenje Ugovora o zakupu poslovnog prostora u okviru Univerziteta u Sarajevu – Veterinarskog fakulteta
- a) U odnosu na upućeni zahtjev Šumarskog fakulteta, bez prethodne diskusije, Upravni odbor sa 8 (osam) glasova „za“, donio sljedeću

ODLUKU

I

Daje se saglasnost za zaključenje Ugovora o zakupu poslovnog prostora Univerziteta u Sarajevu – Šumarskog fakulteta, sa odabranim ponuđačem - **Udruženje za sport, kulturu i edukaciju „NATURA“** za zakup prostora Univerziteta u Sarajevu – Šumarskog fakulteta, koji se nalazi na Igmanu, objekat *Čavle*, sa cijenom zakupnine u visini od 4,00 KM/m² + PDV troškovi komunalnih naknada (struja, voda, grijanje i sl.) za navedenu površinu (405,76 m²).

II

Obavezuje se rektor Univerziteta u Sarajevu da u skladu sa zakonom i Statutom Univerziteta u Sarajevu utvrđenim nadležnostima da ovlaštenje dekanu Univerziteta u Sarajevu – Šumarskog fakulteta za zaključenje Ugovora iz tačke I ove odluke.

III

Ova odluka stupa na snagu danom donošenja.

- b) U odnosu na upućeni zahtjev Veterinarskog fakulteta, bez prethodne diskusije, Upravni odbor sa 8 (osam) glasova „za“, donio sljedeću

ODLUKU

I

Daje se **saglasnost** za zaključenje Ugovora o zakupu poslovnih prostora Univerziteta u Sarajevu – Veterinarskog fakulteta, između Univerziteta u Sarajevu – Veterinarskog fakulteta i odabranih ponuđača za sljedeće poslovne prostore:

- a) Poslovni prostor se nalazi u okviru Univerziteta u Sarajevu – Veterinarskog fakulteta, ulica Zmaja od Bosne br. 90, prvi sprat – prostorija broj 141, površine 12m², upisan kao K.O. SP_SARAJEVO – MAHALA LIII, katastarska čestica br. 307, koji je u državnom vlasništvu/Univerziteta u Sarajevu – **INTELS d.o.o., kojeg zastupa Salem Borčak, direktor.**
- b) Poslovni prostor se nalazi u okviru Univerziteta u Sarajevu – Veterinarskog fakulteta, ulica Zmaja od Bosne br. 90, prvi sprat - 106/I, površine 16 m², upisan kao K.O. SP_SARAJEVO – MAHALA LIII, katastarska čestica br. 307, koji je u državnom vlasništvu/Univerzitet u Sarajevu i poslovni prostor koji se nalazi u zgradi Univerziteta u Sarajevu – Veterinarskog fakulteta u ulici Zmaja od Bosne br. 90, prvi sprat – 104/I, površine 12 m², upisan kao K.O. SP_SARAJEVO – MAHALA LIII, katastarska čestica br. 307, koji je u državnom vlasništvu/Univerzitet u Sarajevu – **HAVAL d.o.o., kojeg zastupa Edina Valjevac, direktorica.**
- c) Poslovni prostor se nalazi u okviru Univerziteta u Sarajevu – Veterinarskog fakulteta u ulici Zmaja od Bosne br. 90, radi postavljanja kafe aparata za distribuciju toplih i hladnih napitaka – **Automatic servis d.o.o. Visoko, koga zastupa Emina Skopljak, direktorica.**

II

Obavezuje se rektor Univerziteta u Sarajevu da u skladu sa zakonom i Statutom Univerziteta u Sarajevu utvrđenim nadležnostima da ovlaštenje dekanu Univerziteta u Sarajevu – Veterinarskog fakulteta za zaključenje Ugovora iz tačke I ove odluke.

III

Ova odluka stupa na snagu danom donošenja.

Ad-6.

U okviru *tačke 6.* razmatrani su prigovori kandidata u Javnom oglasu na Univerzitetu u Sarajevu – Veterinarskom fakultetu na Odluku dekana o prijemu u radni odnos na radno mjesto bibliotekar, na neodređeno vrijeme, kako slijedi:

- a) Prigovor podnositeljice Arine Vražalica
 - b) Prigovor podnositeljice Dalile Kešan
- a) U odnosu na Prigovor podnositeljice Arine Vražalice, te Prijedlog akta pripremljen od strane Službe za pravne poslove, prof. dr. Jasminka Gradašćević-Sijerčić je istakla da prijava imenovane u svojstvu učesnice u konkursnoj proceduri nije podnesena blagovremeno i da s obzirom na to imenovana nije bila aktivno legitimirana, što znači da se Prigovor odbacuje radi formalno-pravnih razloga, jer isti nije izjavljen od strane ovlaštene osobe. Upravni odbor je sa 8 (osam) glasova „za“, donio sljedeće

RJEŠENJE

Prigovor podnositeljice Arine Vražalice izjavljen na Odluku Dekana Univerziteta u Sarajevu – Veterinarskog fakulteta broj: 02-16-84-49/21 od 04. 02. 2022. godine *se odbacuje* zbog formalno-pravnih razloga jer isti nije izjavljen od strane ovlaštene osobe.

- b) U odnosu na Prigovor podnositeljice Dalile Kešan, Upravni odbor je sa 8 (osam) glasova „za“, donio sljedeću

ODLUKU

1. Odbija se *Prigovor* učesnice u konkursnoj proceduri Dalile Kešan na Odluku Dekana Univerziteta u Sarajevu – Veterinarskog fakulteta, broj: 02-16-84-49/21 od 04. 02. 2022. godine, *kao neosnovan.*
2. Odluka dekana Univerziteta u Sarajevu – Veterinarskog fakulteta iz tačke 1. ove odluke se potvrđuje.

- 6.1. Zahtjev Kantonalnog inspektora rada – Inspektorata rada, zaštite na radu i socijalne zaštite za autentično tumačenje odredbe Pravilnika o unutrašnjoj organizaciji i sistematizaciji radnih mjesta Univerziteta u Sarajevu – Veterinarskog fakulteta

U odnosu na pomenuti Zahtjev, te Prijedlog akta pripremljen od strane Službe za pravne poslove, prof. dr. Jasminka Gradašćević-Sijerčić je istakla da tumačenje treba biti redizajnirano u kontekstu da li se dokumentacija može uzet kao relevantna i u tom smislu napomenula da Upravni odbor nije relevantan za tumačenje dokumentacije. Nadalje, prof. dr. Jasminka Gradašćević-Sijerčić ističe da u odnosu na dokazna sredstva provjeru relevantnosti dokumenata vrši imenovana Komisija koja provodi postupak prijema u radni odnos. Upravni odbor je sa 8 (osam) glasova „za“, dao sljedeće

TUMAČENJE

1. Upravni odbor Univerziteta u Sarajevu kao tijelo koje je u posljednjoj fazi donijelo Pravilnik o unutrašnjoj organizaciji i sistematizaciji radnih mjesta Univerziteta u Sarajevu – Veterinarskog fakulteta broj: 02-18-22-1/21 od 20. 05. 2021. godine konstatira da su istim

utvrđeni posebni uslovi za radno mjesto *bibliotekar*, a da se Zahtjev za autentično tumačenje Kantonalnog inspektora rada – Inspektorata rada, zaštite na radu i socijalne zaštite, broj: UP-1-14-09-30-02565/22-09/05-006 od 25. 02. 2022. godine vezuje za dokazna sredstva.

2. Imajući u vidu da je u konkretnom slučaju Komisija za prijem u radni odnos vršila i potvrdu autentičnosti predmetnih isprava odnosno ispunjenosti uslova prijavljenih kandidata, Upravni odbor Univerziteta u Sarajevu naznačava da se posebni uslovi za radno mjesto *bibliotekar* odnose na stvarna dokazna sredstva kojima se dokazuje radno iskustvo na temelju javne isprave odnosno na temelju odgovarajućih certifikata o stručnom ispitu.

Ad-7.

Zahtjev podnositeljice Valide Abdagić za isplatu neisplaćenih mjesečnih naknada za studenta prodekana Univerziteta u Sarajevu – Farmaceutskog fakulteta razmatran je u okviru tačke 7. Nakon kraće diskusije uz konstataciju da je Senat Univerziteta utvrdio modalitet plaćanja prodekana - studenata, Upravni odbor je sa 8 (osam) glasova „za“, donio sljedeću

ODLUKU

I

Zahtjev za isplatu neisplaćenih mjesečnih naknada za studenta prodekana Univerziteta u Sarajevu – Farmaceutskog fakulteta podnositeljice Valide Abdagić uvažava se kao *osnovan*.

II

Odobrava se isplata novčanih naknada radi obavljanja poslova studenta prodekana na Univerziteta u Sarajevu – Farmaceutskom fakultetu za jednu godinu počevši od dana imenovanja.

III

Obavezuje se Univerzitet u Sarajevu – Farmaceutski fakultet da podnositeljici izvrši isplatu novčanih sredstava shodno Odluci Vijeća Farmaceutskog fakulteta - Univerziteta u Sarajevu broj: 0101-7016/18 od 17. 12. 2018. godine i Odluci Vijeća Farmaceutskog fakulteta - Univerziteta u Sarajevu broj: 0101-478/19 od 21. 01. 2019. godine.

IV

Ova odluka stupa na snagu danom donošenja.

Ad-8.

Izvještaj Centra za interdisciplinarnu studiju „prof. dr. Zdravko Grebo“ Univerziteta u Sarajevu o realizaciji Evropskog regionalnog magistarskog program iz ljudskih prava i demokratije u jugoistočnoj Evropi sa planom trošenja sredstava. Upravni odbor je sa 8 (osam) glasova „za“ donio sljedeći

ZAKLJUČAK

1. Upravni odbor Univerziteta u Sarajevu prihvata Informaciju prof. dr. Nihada Fejzića, direktora Centra za interdisciplinarnu studiju „prof. dr. Zdravko Grebo“ Univerziteta u Sarajevu o pregledu aktivnosti na programu ERMA - *Evropski regionalni magistarski program iz ljudskih prava i demokratije u jugoistočnoj Evropi* od 15. februara 2022. godine, sa Planom trošenja sredstava za period avgust – novembar 2021. godine (planirano/ostvareno).

2. Informacija i tromjesečni plan trošenja sredstava iz tačke 1. ovog zaključka čini sastavni dio ovog Zaključka.

Ad-9.

U okviru tekućih pitanja – informacija, razmatrani su sljedeći materijali:

- a) Obavijest o Dinamičkom planu organizacione jedinice Univerziteta u Sarajevu – Instituta za istraživanje zločina protiv čovječnosti i međunarodnog prava za akademsku 2021/2022. godinu – primljena k znanju.
- b) Obavijest o izmjenama i dopunama dinamičkih planova organizacionih jedinica Univerziteta u Sarajevu za akademsku 2021/2022. godinu
- Elektrotehnički fakultet – primljena k znanju.
 - Fakultet islamskih nauka – primljena k znanju.
 - Fakultet zdravstvenih studija – primljena k znanju.
 - Pravni fakultet – primljena k znanju.
- c) Informacija Univerziteta u Sarajevu – Medicinskog fakulteta o realizaciji Odluke Upravnog odbora Univerziteta u Sarajevu od 15. 12. 2022. godine o uspostavi radno-pravnog odnosa sa Benjaminom Vojnikovićem – zauzet stav Upravnog odbora da je Univerzitet u Sarajevu – Medicinski fakultet obavezan postupiti po predmetnoj Odluci Upravnog odbora, te da Upravni odbor nije ovlašten davati smjernice u pogledu načina prijave osiguranja radnika organizacione jedinice.
- d) Ugovor o radu sa v.d. dekanom Univerziteta u Sarajevu – Filozofskog fakulteta – podržan od strane Upravnog odbora u skladu sa Zakonom o visokom obrazovanju.

Audiozapis sa 2. (druge) redovne sjednice Upravnog odbora Univerziteta u Sarajevu pohranjen je u arhivi Univerziteta u Sarajevu i čini sastavni dio Zapisnika.

Sjednica je završena u 15:30 sati.

**PREDSJEDNIK
UPRAVNOG ODBORA**
D [REDACTED] ić

*ZA prof. dr. Jasminka Gradašćević-Sijerčić,
po Ovlaštenju predsjednika Upravnog
odbora broj: 02-10/22 od 14. 04. 2022.
godine*

Zapisničar:

Belma Hajradinović, MA prava